

內 務

廣西巡撫張奏酌擬造就土官辦法並請變通承襲舊例摺

二百一

三月

議給公費銀一萬兩糧道衙門書吏紙張工食銀一千八百兩巡勇口糧餉鞘盤費等項銀四千二百兩糧道庫大使公費銀二千兩共計銀一萬八千兩又各州縣另有解費傾鎔補平等項每年將及銀二萬二千兩現既將糧道及庫大使兩缺裁撤應將以上公費等項每年約可湊足銀四萬兩儘數提存作爲東省增設巡警勸業兩道缺經費化私爲公實於東省吏治財政大有裨益其該道例支廉俸請歸入公費通盤合算以期核實臣維時勢日益艱難行政貴乎通變當此振興庶務之際不汰其舊何以圖新此次請裁糧道實爲力顧全局起見如蒙 俞允原任督糧道周開銘業已病故應毋庸議其道庫大使謝祖貽應卽留於山東作爲裁缺應補班遇有品級相當之缺儘先咨補以昭平允至巡警勸業兩道既係創設自應爲地擇人非熟習東省情形不足以收實效擬由臣遴選人地相宜之員不拘資格先行奏請 簡補一次以後出缺再遵部章辦理容俟議定辦法另案奏明再德州爲南北通衢糧道裁撤之後應由臣酌派武職大員率隊前往駐防以重地方謹 奏奉 硃批著照所請該部知道欽此

廣西巡撫張奏酌擬造就土官辦法並請變通承襲舊例摺

竊廣西慶遠思恩南甯太平鎮安上思百色歸順等府廳州所轄土州縣州同巡檢凡四十

三缺綜其疆域幾佔全省四分之一幅幘旣廣形勢尤勝如慶遠府屬之忻城土縣永順土司永定土司思恩府屬之古零白山興隆安定等土司皆居全省之中央爲四陲之綰轂歸順直隸州屬之下雷土州太平府屬之上龍太平上下凍憑祥思陵下石思州遷隆等土州土司皆與越南接壤沿邊千餘里隘卡百餘處實爲南服之屏藩凡此要區皆關全桂各土屬地方又復氣候溫和土性沃衍植物則茶桐桑棉八角以及五穀果實之類無不皆宜礦物則煤鐵五金俯取卽是綜觀各土屬其地勢旣爲政治上最要之區其物產亦實業上可爲之地誠能得人而理不難臻富庶而固邊陲乃各屬土官賢能者固亦有人然大多數皆賦性昏庸罔知禮法其無能者則冥冥昧昧如睡如夢四境之事懵然不知其不肖者則任性妄爲魚肉土民暴戾貪婪靡所不至而土民亦復榛榛狉狉不識不知懾於土官之威嚴而莫敢或訴坐是之故民生日以況瘁地方日以凋殘腐敗情形不復堪問雖經將不職土官隨時撤任改委官員署理或委漢員彈壓而土屬情形仍不能稍有起色蓋署理之官員其不學無術固無以異乎前之土官彈壓之漢員則人地生疎官非久任亦難有所整頓其仁柔者且受土族之挾制而無如之何夫土屬之重要也如彼而土官之難其人也又如此不有挽救而振興之來日方長後患何堪設想昔緬甸強盛之時雲南土司私通款曲以致

內 務

廣西巡撫張奏酌擬造就土官辦法並請變通承襲舊例摺

二百三

戊申

內務

廣西巡撫張奏酌擬造就土官辦法並請變通承襲條例摺

二百四

三月

英緬一役枝節橫生前事不忘可爲殷鑒議者或謂宜將土屬一律改爲流官不特沿襲日久變革爲難彼土官之先亦皆有功於民乃得世守土宇今舉千餘年承襲之土職取而盡奪之所以待土屬者亦殊不仁且治土屬之道得賢漢官尤不如得賢土官蓋土官之於屬地其情形較漢官爲親土民之待土官其服從視漢官爲篤有所興革推行必易而收效必多臣愚以爲今日整頓土屬必先造就土官而造就土官必先被以教育擬飭各該管府廳州督同承審州縣就土官兄弟子姪中擇其年齡資質略合高等小學程度者按年選送四人或六人來省就學近支無人再擇旁支所需學費卽責成土官籌解並飭提學司特立一學堂專教土族小學畢業升入中學中學畢業授以法政一科課程分別釐訂擇其最要者教之不急者略之其要旨在使有普通之知識有政治之思想有道德之觀念各級畢業年限較定章稍短每日教授鐘點較定章稍多以期從速得人將來各屬土官卽以畢業最優等者分別承襲其支派之嫡庶服屬之親疎皆請勿論應否明定任期以及遞年畢業各土生應如何分派職事屆時再妥擬章程奏咨辦理總期任賢使能俾土屬有大治之時土民有復蘇之日所有現在各屬土官其已病故而未請承襲者如忠州土州南丹土州萬承土州茗盈土州全茗土州結安土州鎮遠土州江州土州下石西土州上下凍土州下雷土州

那地土州羅白土縣永定長官土司永順副土司遷隆峒土官古零土巡檢定羅土巡檢安
定土巡檢下旺土巡檢凡二十缺均停止請襲其已承襲而因案撤任者如歸德土州知州
黃庭玉向武土州知州黃承業都康土州知州馮成翼安平土州知州李德普憑祥土州知
州李樹培思州土州知州黃篤培東蘭鳳山土州州同章杰勳上林土縣知縣黃永楨忻城
土縣知縣莫繩武羅陽土縣知縣黃均政上龍土司巡檢趙德教白山土司巡檢王政立興
隆土司巡檢韋國器凡十三員均不准回任一律暫由漢員彈壓統俟將來各土生畢業後
擇賢請襲以免庸劣尸位再誤地方事關變通舊例合無仰懇 天恩敕部先行立案一
切辦理情形容隨時妥籌奏報謹 奏奉 硃批該部知道欽此

各省內務彙誌

京師○政府通咨各省嗣後大計人員務須認真舉劾不得瞻徇情面僅以八字考語敷衍塞責至於保舉之案亦須嚴
核各該員政跡如有不稱職者即將原保官階撤銷以免濫竽而裨治理○法部咨請各省飭屬迅將訟案查明限期審
訊酌核在押人犯情節原係輕罪及無關緊要者一併詳明議結釋放以免久繫囹圄而杜擾累又聞該部近於本部署
內開辦法律研究所飭令各員逐日分作兩班入所研究每班研究三小時科目分法學通論國際公法國際私法警察
監獄學五科○修訂法律大臣近電川滇閩粵各省飭將各處土司刑律暨年來辦理情形詳細調查咨覆以便酌核改
訂並飭將沿用私刑撤除以惠邊氓○京師高等以下各審判廳檢察廳近已一律開辦計高等審判廳一 內城地方

內 務

各省內務彙誌

二百五

戊申